

Chhattisgarhi - Deliverance Scriptures

मत्ती 6:13 अऊ हमन ला परिछा म झन डार, पर हमन ला बुरई ले बचा, काबरकि राज, अऊ पराकरम अऊ महिमा सदाकाल तक तोर अया आमीन। (लूका 11:4)

मत्ती 8:16 जब सांझ होईस, त मनखेमन परेत आतमा ले जकड़े बहुते मनखेमन ल यीसू करा लानिन। यीसू ह सिरिप गोठ के दुवारा ओ परेत आतमामन ल निकार दीस अऊ जम्मो बेमरहामन ल चंगा करिस।

मत्ती 10:1 यीसू ह अपन बारह चेलामन ल अपन करा बलाईस अऊ ओमन ला परेत आतमामन ल निकारे अऊ हर एक किसम के रोग अऊ बेमारी ल बने करे के अधिकार दीस। (मरकुस 3:14,15)

मत्ती 10:8 बेमरहामन ल चंगा करव, मेरे मनखेमन ल जीयावव, कोढ़ी मनखेमन ल सुध करव, परेतमन ल निकारव। मुफ्त म तुमन ल मिले हवय, एकरसेति मुफ्त म देववा।

मत्ती 12:26-29 यदि सैतान ह सैतान ल निकारथे, त ओह अपन खुद के बिरोधी हो गे हवय। तब ओकर राज ह कइसने टिके रह सकथे? 27 यदि मेंह बालजबूल के मदद ले परेतमन ल निकारथंव, त फेर तुम्हर मनखेमन काकर मदद ले ओमन ला निकारथंव? एकरसेति, ओही मन तुम्हर नियाय करहीं। 28 पर यदि मेंह परमेसर के आतमा के मदद ले परेतमन ल निकारथंव, तब परमेसर के राज ह तुम्हर करा आ गे हवय। 29 या कोन ह कोनो बलवान मनखे के घर म घुसर के ओकर संपत्ति ल लूट सकथे, जब तक कि पहिली ओह ओ बलवान मनखे ल नइ बांध लेवय? एकर बाद ही ओह ओकर घर ल लूट सकहीं। (मरकुस 3:23-27)

मत्ती 12:43-45 जब एक परेत आतमा ह कोनो मनखे म ले बाहिर निकरथे, त ओह सुसताय के ठिकाना खोजे बर सुवखा ठऊर म जाथे, पर ओला कोनो जगह नइ मिलय। 44 तब ओह कहिथे, 'जऊन घर ल मेंह छोंड़ के आय रहेंव, मेंह ओहीच घर म लहुंट जाहूं।' अऊ जब ओह लहुंट के आथे, त ओह ओ घर ला सूना, झाड़े-बहारे अऊ सही ढंग म पाथे। 45 तब ओह जाथे अऊ अपन ले घलो अऊ खराप सात आतमामन ल अपन संग म ले आथे, अऊ ओमन घुसर के उहां बस जाथें। अऊ ओ मनखे के आखिरी दसा ह पहिली ले अऊ खराप हो जाथे। अइसनेच ए दुस्ट पीढ़ी के मनखेमन के दसा घलो होही।”

मत्ती 15:22,26,28 ओ इलाका के एक कनानी माईलोगन ह ओकर करा आईस अऊ चिचिया के कहिस, “हे परभू, दाऊद के संतान, मोर ऊपर दया कर! मोर बेटी ल भूत धरे हवय अऊ ओला भयंकर सतावत हवय।” 26 यीसू ह जबाब दीस, “लइकामन के रोटी ल लेके कुकुरमन ल देवई ठीक नो हय।” 28 तब यीसू ह ओला कहिस, “हे माईलोगन, तोर बिसवास ह बहुंत बड़े अय। जइसने तैंह चाहथस, वइसनेच तोर बर होवय।” अऊ ओकर बेटी ह ओहीच बखत चंगा हो गीस।

मती 16:19 मेंह तोला स्वरण राज के चाबीमन ल दूहूं। जऊन कुछ तेंह धरती ऊपर बांधबे, ओह स्वरण म बंधाही, अऊ जऊन कुछ तेंह धरती ऊपर खोलबे, ओह स्वरण म खुलही।” (मती 18:18)

मती 17:19-21 तब चेलामन यीसू कया अकेला म आईन अऊ पुछिन, “हमन ओला काबर नइ निकार सकेंन?” 20 यीसू ह ओमन ला कहिस, “काबरकि तुम्हर बहुत कम बिसवास हवया। मेंह तुमन ला सच कहत हंव कि यदि तुम्हर बिसवास ह सरसों के दाना के बरोबर घलो हवय, अऊ तुमन ए पहाड़ ले कहव, ‘इहां ले घुंच के उहां चले जा,’ त ओह घुंच जाही। तुम्हर बर कोनो घलो बात असंभव नइ होही। 21 पर ए किसम के परेत आतमा ह सिरिप पराथना अऊ उपास के दुवारा निकरथे।”

मरकुस 1:23-26 ओही बेरा ओमन के सभा घर म, एक इन मनखे रिहिस, जेकर भीतर परेत आतमा रहय। 24 ओह चिचियाके कहिस, “हे नासरत के यीसू! हमर ले तोर का काम? का तेंह हमन ला नास करे बर आय हवस? मेंह जानत हंव, तेंह कोन अस? तेंह परमेश्वर के पबितर मनखे असा।” 25 यीसू ह ओला दबकार के कहिस, “चुपे रह! अऊ ओम ले निकर जा।” 26 तब परेत आतमा ह ओला अइठके, अब्बड़ चिचियावत ओम ले निकर गीस।

मरकुस 1:32-34 संझा के बेरा, जब बेर बुड़ गे, त मनखेमन जम्मो बेमरहा अऊ जऊन मन ला भूत धरे रहय, यीसू कया लानिना। 33 अऊ उहां कफरनहूम सहर के एक बड़े भीड़ घर के दुवारी के आघू म जुग गीस। 34 यीसू ह कतको बेमरहामन ला बने करिस अऊ बहुत परेत आतमामन ला निकारिस, पर ओह परेत आतमामन ला बोलन नइ दीस, काबरकि ओमन ह ओला चिनहत रिहिना।

मरकुस 1:39 अऊ ओह जम्मो गलील प्रदेश म, ओमन के सभा घर म जा-जाके परचार करिस अऊ परेत आतमामन ला निकारिस।

मरकुस 5:8 काबरकि यीसू ह ओला कहत रहय, “हे परेत आतमा, ए मनखे म ले निकर आ।”

मरकुस 6:7, 13 ओह अपन बारहों चेलामन ला बलाके ओमन ला दू-दू इन करके पठोईस अऊ ओमन ला परेत आतमामन के ऊपर अधिकार दीस। 13 ओमन कतको परेत आतमामन ला निकारिन अऊ कतको बेमरहामन ला तेल म अभिसेक करके ओमन ला बने करिन।

मरकुस 9:23-25 यीसू ह कहिस, “कहूं तेंह कुछ कर सकथस, एकर का मतलब? का तेंह नइ जानथस कि जऊन ह बिसवास करथे, ओकर बर हर बात हो सकथे।” 24 छोकस के ददा ह तुरते गुलगुला होके कहिस, “मेंह बिसवास करत हंव, परभू! मोर अबिसवास ला दूर करे बर मोर मदद करा।” 25 जब यीसू ह देखिस कि भीड़ ह बढ़थे, त ओह परेत आतमा ला दबकार के कहिस, “हे भैंस अऊ कौंदा आतमा! मेंह तोला हुकूम देवत हंव कि ओम ले निकर जा अऊ ओम फेर कभू इन हमाबे।”

मरकुस 9:29 ओह कहिस, “ए किसम के आतमा ह पराथना के छोड़ अऊ कोनो उपाय ले नइ

निकरया”

मरकुस 9:38,39 यूहन्ना ह यीसू ला कहिस, “गुरुजी! हमन एक मनखे ला तोर नांव म परेत आतमामन ला निकारत देखेन, अऊ हमन ओला कहेंन कि अइसने इन कर। काबरकि ओह हमर संग के नो हया।” 39 यीसू ह कहिस, “ओला इन रोकव। अइसने कोनो नइ ए जऊन ह मोर नांव म चमतकार के काम करय अऊ तुरते मोर बारे म खराप बात बोल सकय।

मरकुस 16:17 अऊ बिसवास करइयामन म ए चिन्हां होही कि ओमन मोर नांव म परेत आतमामन ला निकारहीं, अऊ ओमन नवां-नवां भासा बोलहीं

लूका 4:18 “परभू के आतमा मोर ऊपर हवय, एकरसेति ओह गरीबमन ल सुघर संदेस के परचार करे बर मोर अभिसेक करे हवय। ओह मोला पठोय हवय, ताकि मेंह कैदीमन ल छुटकारा के, अऊ अंधरामन ल आंखी पाय के घोसना करंव, अऊ दुखित-पीड़ित मन ल छोड़ाव, (यसायाह 61:1)

लूका 4:34-36 “हे यीसू नासरी! तोला हमर ले का काम? का तेंह हमन ला नास करे बर आय हवस? मेंह जानत हंव कि तेंह कोन अस, तेंह परमेसर के पबितर जन असा।” 35 यीसू ह ओला दबकार के कहिस, “चुपे रहा। अऊ ओम ले निकर आ।” तब परेत आतमा ह ओ मनखे ल ओ जम्मो इन के आघू म पटकिस अऊ ओला बिगर चोट पहुंचाय निकर गीस। 36 जम्मो मनखेमन अचम्भो करिन अऊ एक-दूसर ल कहिन, “एह का सिकछा अय? अधिकार अऊ सक्ति के संग ओह परेत आतमामन ल हुकूम देथे अऊ ओमन निकर जाथें।”

लूका 4:41 परेत आतमामन घलो बहुंत मनखेमन ले विचियावत अऊ ए कहत निकर गीन कि तेंह परमेसर के बेटा असा। पर यीसू ह ओमन ला दबकारिस अऊ ओमन ला गोठियावन नइ दीस, काबरकि ओमन जानत रिहिन कि ओह मसीह अय।

लूका 7:21 ओही बेरा यीसू ह बहुंत मनखेमन ल बेमारी, पीरा अऊ परेत आतमामन ले बने करिस अऊ कतको अंधरामन ल आंखी दीस।

लूका 8:29 काबरकि यीसू ह परेत आतमा ला ओ मनखे म ले बाहिर निकरे के हुकूम देय रिहिस। कतको बार ले परेत आतमा ह ओला पटके रिहिस, अऊ ओकर हांथ अऊ गोड़ मन ह संकली म बंधाय रिहिन अऊ ओह निगरानी म रहय, पर ओह संकलीमन ला टोर देवत रहय अऊ परेत आतमा के दुवारा ओह निरजन जगह म भगाय ने रहय।

लूका 9:40 मेंह तोर चेलांमन ले बिनती करेंव कि ओमन ओला निकार देवंग, पर ओमन ओला नइ निकार सकिना।”

लूका 10:17-20 बाद म, जब ओ बहतार मनखेमन आनंद सहित लहुंदिन अऊ कहिन, “हे परभू, अऊ त अऊ परेत आतमामन हमर बस म हो गीन, जब हमन ओमन ला तोर नांव म हुकूम देना।” 18 यीसू ह ओमन ला कहिस, “मेंह सैतान ला बिजली सहीं स्वरंग ले गिरत देखेंव। 19 सुनव! मेंह तुमन ला अधिकार दे हवं कि तुमन सांप अऊ बिच्छू मन ला गोड़ ले कुचरव अऊ सैतान के

जम्मो सक्ति ऊपर जय पावव, अऊ कोनो चीज ले तुम्हर हानि नइं होही। 20 पर ए बात खातिर आनंद झन मनावव कि परेत आतमामन तुम्हर बस म हो जाथें, पर ए बात खातिर आनंद मनावव कि तुम्हर नांव ह स्वरण म परमेसर के किताब म लिखाय हवय।”

लूका 11:14 यीसू ह एक कौंदा परेत आतमा ला निकारत रिहिस। जब परेत आतमा ह निकर गीस, त कौंदा मनखे ह गोठियाय लगिस, अऊ मनखेमन अचम्भो करिन।

लूका 11:20-22 पर यदि मेंह परमेसर के सामरथ ले परेत आतमामन ला निकारथं, त फेर परमेसर के राज ह तुम्हर करा आ गे हवय। 21 जब एक बलवान मनखे, अपन जम्मो हथियार सहित अपन घर के रखवारी करथे, तब ओकर संपत्ति ह सही सलामत रहिते। 22 पर जब कोनो ओकर ले बलवान मनखे ओकर ऊपर चढ़ई करथे अऊ ओला काबू म कर लेथे, तब ओह ओ घरवाला के जम्मो हथियार जेकर ऊपर ओकर भरोसा रिहिस, छीन लेथे, अऊ ओह लूट के संपत्ति ला बांट देथे।

लूका 13:32 यीसू ह ओमन ला कहिस, “जावव अऊ ओ कोलिहा ले कहव; आज अऊ कल मेंह परेत आतमामन ला निकराहूं अऊ बेमार मनखेमन ला बने करहूं, अऊ तीसरा दिन मोर काम ह पूरा हो जाही।

यूहन्ना 14:12 मेंह तुमन ला सच कहथं कि जऊन ह मोर ऊपर बिसवास करथे, ओह ओ काममन ल करही, जऊन ल मेंह करत हवं। अऊ त अऊ ओह एमन ले घलो बड़े काम करही, काबरकि मेंह ददा करा जावत हं।

यूहन्ना 17:15 मेंह ए पराथना नइं करत हं कि तेंह ओमन ला संसार ले निकार ले, पर ए पराथना करत हं कि ओमन ला तेंह सैतान ले बचाय रखा।

प्रेरितमन के काम 10:38 कि कइसने परमेसर ह नासरत के यीसू ल पबितर आतमा अऊ सामरथ ले अभिसेक करिस, अऊ यीसू ह हर जगह भलाई करत अऊ सैतान के सताय जम्मो मनखेमन ल बने करत रिहिस, काबरकि परमेसर ह ओकर संग म रिहिस।

प्रेरितमन के काम 16:17,18 ओ टूरी ह पौलुस अऊ हमर पाछू आईस अऊ चिचियाके कहिस, “ए मनखेमन परम परधान परमेसर के सेवक अंय अऊ तुमन ला उद्धार पाय के रसता बतावत हवं।” 18 ओह बहुंत दिन तक अइसनेच करते रिहिस। आखिर म, पौलुस ह बहुंत परेसान हो गीस अऊ पाछू मुड़के ओ टूरी म हमाय आतमा ल कहिस, “यीसू मसीह के नांव म मेंह तोला हुकूम देवत हं कि ओम ले निकर आ।” अऊ ओही घरी आतमा ह ओम ले निकर गीस।

प्रेरितमन के काम 19:11,12 परमेसर ह पौलुस के दुवारा असधारन चमत्कार करय। 12 मनखेमन रूमाल अऊ अंगण मन ल पौलुस के देहें म छूआ के बेमरहामन करा ले जावय अऊ ओमन के बेमारी ठीक हो जावय अऊ परेत आतमामन ओमन ले निकर जावय।

प्रेरितमन के काम 26:15-18 तेंह मोर म देखे हवस अऊ जऊन ला मेंह तोला देखाहूं। 17 मेंह तोला इसरायली अऊ आनजातमन ले बचाहूं, जेमन करा मेंह तोला पठोवत हवं। 18 मेंह तोला एकरसेति पठोवत हवं कि तेंह ओमन के आंखी ल उघार अऊ ओमन ला अंधियार ले अंजोर

कोति अऊ सैतान के सक्ति ले परमेसर कोति बहुर के लान, ताकि मोर ऊपर बिसवास करे के दुवारा ओमन ला पाप के माफी मिलय अऊ परमेसर के चुने मनखेमन के बीच म ओमन जगह पावया'

रोमीमन 16:20 सांति देवइया परमेसर ह जल्दी सैतान ल तुम्हर गोड़ खाल्हे कुचरही। हमर परभू यीसू के अनुग्रह तुम्हर ऊपर होवत रहय।

2 २ कुरिन्थुस 2:11 ताकि सैतान के कोनो चाल हमर ऊपर सफल इन होवय। काबरकि हमन ओकर योजनामन ल जानथन।

गलातिया 1:4 एहीच परभू यीसू ह अपन-आप ल हमर पाप खातिर दे दीस ताकि ओह हमर परमेसर अऊ ददा के ईछा के मुताबिक हमन ला ए जुग के पापी संसार ले बचावय।

इफिसुस 4:27 अऊ सैतान ल कोनो मऊका इन देववा।

इफिसुस 6:11 परमेसर के जम्मो हथियार ल बांध लेवव ताकि तुमन सैतान के छल-कपट के मुकाबला कर सकव।

2 २ थिस्सलुनीके 3:2,3 अऊ पराथना करव कि परमेसर ह हमन ला खराप अऊ दुस्ट मनखेमन ले बचावय, काबरकि जम्मो इन हमर संदेस ल बिसवास नइं करंय। 3 पर परभू ह बिसवास लइक अय अऊ ओह तुमन ला बिसवास म मजबूत करही अऊ दुस्ट जन ले बचाही।

2 २ तीमुथियुस 2:26 अऊ तब ओमन अपन चेत म आके, ओ सैतान के फांदा ले बचहीं, जऊन ह अपन ईछा पूरा करे बर ओमन ला पकड़े हवय।

2 २ तीमुथियुस 4:18 परभू ह मोला जम्मो बुरई के काम ले बंचाही अऊ अपन स्वरणीय राज म मोला सही-सलामत ले जाही। ओकर महिमा जुग-जुग होवत रहय। आमीन।

1 १ पतरस 5:8 तुमन संयमी अऊ सचेत रहव। काबरकि तुम्हर बईरी सैतान ह एक गरजत सिंह के सहीं एती-ओती गिंजरथे अऊ ए फिराक म रहिथे कि कोनो ला चीरके खावय।

1 १ यूहन्ना 4:4 हे मोर लइकामन हो, तुमन परमेसर के अव अऊ तुमन ए लबरा अगमजानीमन ऊपर जय पाय हवव, काबरकि जऊन ह तुमन म हवय, ओह ओकर ले बड़े अय, जऊन ह संसार म हवय।

गिनती 10:35 Let परमेसर arise and enemies scatter.

व्यवस्था विवरण 23:5 परमेसर turn curse into blessing (नहेमायाह 13:2)

भजन संहिता 44:4 परमेसर command deliverance for Jacob.

Pastor T. John Franklin
Church of Salvation, Healing, and Deliverance
COS-HAD.org